

შინაური საქმეები

№ 21.



30 მაისი, 1910 წ.

აღმსრულებელი: მუთაისი „შინაური საქმეების“ რედაქცია

უოველკვირეული გაზეთი.

შინაარსი: ქუშმარტი გზა.—მღ. ი. ლუკიანოვისა; (თარგმანი). ენის გაჩენა.—ტ. ჯაფარიძისა; ეპ. ლეონიდეს მოგზაურობა გურიაში—**მწ.** ქალაქ ქუთაისის გამგეების საყურადღებოდ.—ქუთათელისა; სად არის ბერობა?—ხელისა; უცნაური ზარის ხმები—

(„რებუსი“). ძველი და ახალი აღთქმის ეკლესიის მსახურთ. შემოსავალი. დეკ. ი. წერეთლისა; დიმიტრას მამიდაშვილს.—**ეპ.** დავითისა; ურწმუნო იყო თუ არა დარვინი? (რებუსი)

უოველკვირეულ გაზეთ

„შინაურ საქმეებს“

ხელის მოწერა მიიღება რედაქციაში, ქ. ქუთაისში (საბურთალო—კახაკოვის შესახვევში № 17) და თბილისში გამომცემელთან სომხის ბაზარში.

წლიური ფასი 4 მან. ნახ. წლით 2 მ. ღ 50 კ.

გაზეთი ღებულობს დასაბეჭდად უოველგვარ განცხადებებს.

ჭეშმარიტი გზა.

I

სახარება, როგორც საფუძველი ცხოვრებისა.

ყოველი შეგნებული ადამიანისთვის აუცილებლად იბადება კითხვა, რა მიზანი აქვს მის საკუთარ არსებობას და ხვდა ადამიანთა არსებობას. რა მიზანია ადამიანის ცხოვრებისა, — აი კითხვა, ერთი უსაქიროესთაგანი, და მასთან, ერთი სადავო კითხვათაგანი, ჩვენის აზროვნებისათვის. ეს კითხვა უსაქიროესია იმიტომ, რომ მისი ასეთი, თუ ისეთი განმარ-

ტებისაგან არის დამოკიდებული ჩვენი სიცოცხლის მთელი მიმართულება, მთლად ჩვენი ყოფა-ქცევა, მოქმედება. ეს კითხვა, მასთანავე, ერთი სადავო კითხვათაგანია, იმიტომ რომ იგი განიმარტება სრულიად სხვა-და-სხვანაირად ერთი მეორის საწინააღმდეგოდ. მაგრამ მაინც, მიუხედავად სხვა და სხვა პასუხისა ამ კითხვაზე, ეს პასუხები ერთ საგანში ეთანხმდებიან ერთმანეთს, სახელდობრ, იმაში, რომ კაცის ცხოვრების მიზანი—სიკეთე ღნეტარებაა, ანუ, როგორც ჩვეულებრივ ამბობენ, ბედნიერებაა. ბედნიერება, —მართლაცა და, რა მისნური სიტყვაა ეს! ვის არ უნდა ბედნიერება და ვინ არ მიისწრაფვის მისკენ? მაგრამ აი სწორეთ აქ, იმის განმარტებაში, თუ რაში მდგომარეობს ბედნიერება, არსებობს სხვა და სხვანაირი აზრი, თითქმის ერთი მეორის საწინააღმდეგოდ. რა თქმა უნდა, ყველა ეძებს ბედნიერებას და მიისწრაფვის მისკენ, მაგრამ ყველას თავისებურად ესმის ბედნიერება; და რაშია ერთი ჰპოვებს ნეტარებას და ბედნიერებას, იმაში მეორე არამც თუ არ ჰპოვებს ბედნიერებას, არამედ, პირიქით, იგი მიიჩნია მას წყაროდ თავის ტანჯვა-წვალებისა. ავადმყოფს ჰგონია, რომ ბედნიერებისთვის და კმაყოფილებისთვის საკმარისია მხოლოდ ჯანსაღად ყოფნა. ღარიბს თავის ბედნიერებისთვის პირველ საჭიროებად მიიჩნია



სიმღერის შეძინა; მდიდარს, კიდევ, მიაჩნია საჭიროდ თავის უნიან მოთხოვნილებათა დაკმაყოფილება და პატივ-ღიღების მიხრევა. რომელსაც პატივისა და ქვეყნიური დედებისთვის მიუხრევა, ის კიდევაც ხშირად, იტანჯება თავის უფლებრივი ტვართის სიმძიმით და მას არც-კი ახარებს გარემოცული ბრწყინვალეობა და ყველასაგან მონური პატივის-ცემა. ჩვენ არ შევცდებით, თუ განვმარტავთ ბედნიერებას, როგორც კაცის ისეთ მდგომარეობას, როდესაც იგი ყველაფრით კმაყოფილი, არა გრძნობს არავითარ საჭიროებას. მაგრამ აი კითხვა, რა გზით მოიპოვება კაცის ასეთი ნეტარი მდგომარეობა?

ამ კითხვაზე ბევრი სხვა და სხვანაირი პასუხია, მაგრამ ესენი შეიძლება ორ შეხედულებად გაიყოს. ერთ მათგანს მიაჩნია შესაძლებლად კაცის ბედნიერება სააქაო ქვეყნიურ ცხოვრებაში, და მხოლოდ ქვეყნიურში. ხოლო მეორე შეხედულება, უმთავრესად რელიგიოზური, თუმცა არა ჰყოფს უარს რამოდენიმე ქვეყნიურ ბედნიერებას, მაგრამ მაინც სრულს და ქეშმარიტ ბედნიერებას ჰხედავს საიქიოზიური ცხოვრებაში- თუ ავიღებთ მხედველობაში ახლანდელ დროს, პირველი შეხედულება უფრო გავრცელებულია, ესე იგი, — მისწრაფება ქვეყნიური ბედნიერებ-საკენ, უარყოფით ზეციური ბედნიერებისა და სრულის მისდაში გულგრილობით. გააჩერდეთ პირველად ამ მიმართულებაზე და გავშინჯოთ, რამდენად საფუძვლიანია იგი, რამდენად მტკიცდება იგი ცხოვრების სინამდვილის ფაქტებით, და რამდენად შეიძლება მიღებულ იქმნას იგი ადამიანის საღი მიუდგომელი გონებით, ცხოვრების სინამდვილე, თუ მივიღებთ მას, როგორც თვით-მიზანს, და შევზღუდავთ

კაცის სიცოცხლეს მხოლოდ ამ ქვეყნიურის არსებობით, — ნათლად გვარწმუნებს ჩვენ იმაში, რომ ბედნიერება აქ შეუძლებელია უღმობელი სიკვდილის გამო, რომელსაც ემორჩილება ქვეყანაზე ყოველი სულდგმული. ყველა ჩვენ ვიცით, რა ძლიერი წყურვილი გვაქვს სიცოცხლისა, და რა ანარსის სიძულვი-

ლით გავურბივართ სიკვდილს. ცხოვრება-კი თვითეულ ნაბიჯზე თითქოს დაგვცინის ჩვენ, და მუდამ დღე ისეთ ფაქტებს გვახილვინებს, რომელნიც თავ-ზარს სცემენ თვით გულ-ქვა ადამიანსაც, რომ აღარა ვსთქვათ ის უთვლავი უბედურობეები, რომლების საშინელ მსხვერპლად შევიქნებიო ხოლმე ჩვენ ხშირად.

სავსეა ჩვენი ცხოვრება მაგალითებით სხვა და სხვა უბედურობისა, სიკვდილისა, თვით-მკვლელობისა, ძალმომრეობისა აიღეთ რომელიც მოგხვდებათ, გაზეთი, წაიკითხეთ და ნათლად დარწმუნდებით ამაში. ასეთი გულშემზარავი ამგები არამც თუ მქერმეტყველურად მოწმობენ და მოგვაგონებენ ჩვენთვისაც აუცილებელ ბოლოს — სიკვდილს, არამედ გვეუბნებიან აგრეთვე იმას, რომ ეს ბოლო ჰკიდია ჩვენი თავზემოთ, როგორც ხმალი რომელიც ყოველ წუთს მზათაა მოსწყდეს და დაგვეცეს, ასე რომ უნებლიედ გვაგონდება ამასთან სიტყვები ძველი აღთქმის წინასწარმეტყველისა: „კაცი ვითარცა თევზარაინ, დღენი მისნი, ვითარცა ყვაილი ველისა ვგრე აჰყვავნეს; რამეთუ განვლო სულჴან მისჴან მის შორის, და არლარა იყოს, და არცა იცნას ადგილი მისი“ (ფსალმ. 102, 15—16); და სხვა სიტყვები იაკობ მოციქულისა, რომელიც ამბობს, რომ ჩვენი ცხოვრება არის „როგორც კვამლი, რომელიც მცირედ ჟამსა სჩანს, და მერმე განჰქრეს“ (იაკ. 4, 14)... მაშ, თუ კი ასეთია ქვეყნიური ცხოვრება ადამიანისა, და ასეთია ბოლო მისი, განა შეიძლება რომ იგი თავის-თავად ბედნიერებას შეადგენდეს კაცისათვის, თუმცა თავისუფალი იყვეს იგი ჩვეულებრივ ტანჯვა წვალებისაგან, და თუნდაც მთლად კეთილ-დღეობით აღსავსე იყვეს იგი ჩვენთვის?

პირიქით, უფრო სამძიმო და საუბედურო არ ინქება კაცისათვის კეთილ-დღეობით და კმაყოფალებით აღსავსე ცხოვრება, რადგანაც მუდამ სიკვდილის მოლოდინი და მუქარა ბედნიერების წართმევისა მოუშხამავს მას სიცოცხლეს?! აი რატომ მიაჩნია სახარებას უბედურად ის კაცი, რომლის სიცოცხლე მთლად

კმაყოფილებაში და სავსებაში გადის: „ვინ თქვენდა მდიდარნი! ვინ თქვენდა განმადარნი აწ, რამეთუ გშიოდეთ. ვინ თქვენდა, რომელნი იცინით აწ! რამეთუ იგლოვდეთ და სტიროდეთ“ (ლუკასი, 6, 24—25). ანუ კიდევ: — „აწ უკვე თქვენცა მდიდარნი: სტიროდეთ და ჰგოდებდეთ უბადრუკებათა მათთვის, თქვენზედა მომავალთა. სიმდიდრე თქვენი დაღობილ არს, სამოსელი თქვენი მდილთა დაუქამიეს. ოქრო თქვენი და ვერცხლი თქვენი დაგვსლებულ არს“ (იაკობ. 6, 1—3)...
 „უგნურო, — ეუბნევა ღმერთი სახარების იგავში ანგაარების მოყვარე მდიდარს, — ამას ღამესა მიგიღონ სული შენი შენგან; ეგე, რომელ მოიმზადე, ვისა იყოს?“ (ლუკ. 12, 20). ასეთივე შეხედულება აქვს წმიდა მამებსაც და ეკლესიის მოძღვართ შესახებ იმ ადამიანთა, რომელთა ცხოვრება აღსავსეა ქვეყნიური კეთილით. „ნუ მეუბნევი მე — გვასწავის წმ. იოანე ოქროპირი, — რომ ესა და ეს კაცი ზის ეტლში, მალა უქირავს თავი და გარს ახვევია მთელი გუნდი მცველებისა; ნუ მეუბნება ნურც იმის პაეზე, ნურც ყვირილზე მისი გზირისა. თუ იგი, მმართველი ხალხისა, თვითონ ჰმონებს თავის ენებათა, ამისთანაზე მე ვიტყვი, რომ იგი მონაა, ყველაზე მომეტებული“ (ტ. III, წ. 1, გვ. 359). — „ჩ. უფიქრდი, ადამიანო, სიმდიდრის ვითარებას, — ამბობს წმ. ვასილი დიდი, — რას ხედავ საკვირველებას ოქროში? — ოქრო ქვა არის, ვერცხლი ქვა არის, მარგალიტი ქვა არის... განა ამ სიმდიდრის გამო სიკვდილმა ვინმე იპატიო? ფულების გამო ავით აღარ გახდა კაცი?...“ (ტ. IV, გვერდი 106—7). — „შენ ამაყობ სიმდიდრით, აღტაცებული ხარ სხეულის სილამაზით, ყველასაგან პატივისცემით. გაიგე შენ, რომ მომაკვდავი ხარ, რომ შენ მიწა ხარ, და მიწადვე მიიქცევი. მოიგონე ისინი, რომელნიც შენზე წინათ სცხოვრობდნენ ანაირ ღიდებაში საღლა არიან აღკურვილნი მოქალაქობრივი სიმამაცით? სად არიან უძღვეველი მკერძეტყველები? სად არიან მხედართ მთავარნი, მკაცრებელნი? ყოველივე განა მტვერი არ არის? ყოველივე ისაკი არ არის?“ (ტ. IV, გვ. 40—41). ამ-

ნაირათ სიტყვა ღვთისაც და სიტყვა ეკლესიის მოძღვართა და წმ. მამათა გვარწმუნებენ ჩვენ, რომ ქვეყანაზე კაცისათვის ბედნიერება შეუძლებელია, თუ შევხედუდეთ მის სიცოცხლეს მხოლოდ ქვეყნიური არსებობით, და თუ მივიღებთ კაცს, როგორც გონიერ და შეგნებულ არსებას, რომელსაც უნდა, აზრი მისცეს თავის არსებობას და მოსძებნოს გონიერული მიზანი მისი. მაგრამ ზოგიერთი იტყვის, რა საჭიროა ძებნა რაღაცა ბედნიერებისა? რა საჭიროა მისწრაფება რაღაცა მიზნისაკენ და გამოურკვეველ მდგომარეობაში ჩავარდნა? უკეთესი არ არის დაგივიწყეთ ეს თავის შესაწუხებელი კითხვები და დავტკბეთ სიცოცხლით ისე, როგორც არის იგი, ვისარგებლოთ აწინდელი წუთის ბედნიერებით და არ ჩავიხედოთ უცნობ მომავალში? ხშირათ ისმის ამისთანა სიტყვები და კითხვები. მაგრამ ასეთი ლიპარაკი ნიშნავს ადამიანის ღირსების უარყოფას, მისი პიროვნების დამცირებას, ადამიანის ჩამოყვანას უგონო პირუტყვთა მდგომარეობადის, რომელნიც სცხოვრობენ მხოლოდ აწინდელი წუთით და სრულებითაც თავს არ იწუხებენ თავიანთ არსებობის აზრისა და მიზნის განხილვით. თუმცა კი, — არიან ისეთი ადამიანები, რომელნიც პირუტყვებით სრულიად გულ გრილად უყურებენ მას, რაც ქვეყნად ხდება, და არაფრით არ უნდათ თავი შეიწუხონ, უცქერიან ცხოვრებას მხოლოდ უგლიმი გრძობის თვალთსაზრისით, სცდილობენ გამოჩენ მას რაც-კი შეიძლება ბლომა სიამოვნებას, ანგარიშს უწყვენ მხოლოდ ღროის აწინდელ წუთს. ასეთი პირები მოიპოვებოდა ხალხში ძველად, ჯერ კიდევ ძველ აღთქმაში; იყვნენ მაშინაც ისეთები, რომლებიც თავიანთ თავს ეუბნებოდნენ: „ხანმოკლეა და მწუხარებით აღსავსე ცხოვრება ჩვენი და არა აქვს კაცს ხსნა სიკვდილისაგან. შემთხვევით ვართ ჩვენ დაბადებულნი და შემდგევიქნებით, ვითარცა არა მყოფი... და გაიფლის ცხოვრება ჩვენი, ვითარცა კვალი ღრუბლისა და გაიფანტება, როგორც წილი... მოვედით და დავტკბეთ ამა ქვეყნის კეთილითა... ვმძღაფრობდეთ გლახასა, მართალსა, ნუ

შეივბრალებთ ქვირისა და ნუ შევირცხვით მოხუცებულისა-მხცოვანისა. ძალა ჩვენი იყვეს სჯული სიმართლისა, რადგანაც უძლურება ურგებელია“ („სიბრძნე სოლომონისა, 2, 1-11). თუ ჩვენ გიბლიის დროიდგან ვადმოვალთ აწინდელ დროში, ვნახავთ, რომ ახლა ხალხში მომეტებულ ნაწილად გავრცელებულია ასეთივე ტლანქი-ცხოველური შეხედულება ცხოვრებაზე. გარდამეტებული არ იქნება იმის თქმა, რომ ესლანდელ დროში თვით ურცხვი, თვით თავხედი მატერიალიზმი არის მიღებული ხალხის ცხოვრების არსებობითი დასაწყისად.

„მოპოვებთ მხოლოდ მატერიალური სიკეთენი, და ცხოვრება თქვენი გახდება სუბუქად და სასიამოვნოდ“, —აი დროშა და დევიზი თანამედროვე ხალხისა, და განსაკუთრებით კი, ინტელიგენტობის უმრავლესობისა. ხოლო პრინციპები მატერიალიზმისა ასეთია: არაფერი არ არსებობს გარდა მატერიისა. არ არის სული, არ არის საიქიო ცხოვრება, არ არის ღმერთი. მაშასადამე, იმათებურად, არ არის სარწმუნოება, არ არის ზნეობა, არ არის სიკვდილის შემდეგ სამართალი ბოროტი და კეთილი საქმეების გასარჩევად. მიზანი ცხოვრებისა, იმათებურად, არის შეძენა რაც შეიძლება ბევრი ქვეყნიური სიკეთისა და სიამოვნებისა. ესეც-კი უნდა ითქვას, თანამედროვე ხალხის თაობა, მაინცა და მაინც, თავს არ იწუხებს მეცნიერულ-ფილოსოფიურ მატერიალიზმის შესწავლით. მომეტებული ნაწილი ჩვენი დროის ხალხისა ხელმძღვანელობს, ეგრედ წოდებულ, პრაქტიკულ მატერიალიზმით, რომელსაც ბევრი მისდევს უფრო ხშირად შეუგნებლად, და მხოლოდ შემდეგში, როდესაც ეს მატერიალისტური პრაქტიციზმი სრულიად ამონებს მათ, მაშინ ისინი სცდილობენ გაამართლონ იგი გონების ასეთი, თუ ისეთი, საბუთებით; გონება-კი ყოველთვის მზათაა სამსახური გაუწიოს კაცის გალღებულ გემოვნებას, მის გრძობას, მის განწყობილებას; ასე რომ, თუ იგი შეპყრობილია მატერიალისტური განწყობილებით, ამ განწყობილების თანახმად ფიქრობს და საზრავს იგი. ის ხომ

ხდება, ამბობს ერთი სახელგანთქმული მოაზრე რუსი, რომ ხალხი ჰფიქრობს იმაზე, რაც იმას გულით უნდა, და ყველაფერს იღგენს გონებაში ისე, როგორც თითონ სურს; აზრს ამოძრავებს თავის შეხედულოების თანახმად“ (პსიხოლ. ვლადისლავლევისა—გვერდი 396). ეგრევე უნდა ითქვას იმათზედაც, რომლებიც მატერიალიზმით არიან შეპყრობილნი; იმათ თავიანთი აზრი ამ მიმართულებაზე უნდათ ამოქმედონ.

(შემდეგი იქნება).

მლ. ი. ლუკიანოვი.

ენის გაჩენა.

ხშირად მაგალითია, რომ ფრინველები ისე ნამდვილათ წარმოსთქმენ ხოლმე სიტყვას ხან მთელ წინადადებასაც, რომ გარეგნულად ვერც კი გაარჩევთ კაცის გამოთქმისაგან. ამ მხრით უფრო შესანიშნავია თუთიყუშის და შროშანის მაგალითები, მაგრამ ფრინველების ლაპარაკი (ГОВОРЪ), როგორც ნამდვილად ამბობს იეკერა,¹⁾ შესამჩნევად განსხვავდება კაცის ენისაგან არა გარეგნულად ესე იგი გამოთქმის მხრით, არამედ შინაგანი მხრით ანუ მიუ, რომ ფრინველი ითვისებს სიტყვას, როგორც ხმას, მნიშვნელობა კი არ ესმის. ასე რომ სიტყვას ფრინველი ვერ აკავშირებს სავანთან, რომელსაც სიტყვა აღნიშნავს. ასსოციაცია ხმებსა და სავანს შორის შეუძლებელია ფრინველებისათვის; თუმცა არ უნდა დავივიწყოთ ისეთი იშუიათი შემთხვევა, როცა ფრინველი ხმებით ხატავს თვის მდგომარეობას ერთი თუთიყუში ფანჯარიდგან უეცრად გადავარდა და თოვლში ჩაეცა; ამ დროს თუთიყუშმა დაიძახა „Ach, Herr Jesus! (o, Господи Исусе!) თურმე ამ სიტყვებს ხშირად ამბობდა მოსამსახურე ქალი, როცა მას რამე უცებ შეაშინებდა. ეს სიტყვები მეხანიკურად

¹⁾ М. Перти. Психическая жизнь животных вып. 1 გვ. 92.

(მიბაძვით) შეითვისა თუთიყუშმაც; ამასთანავე უნდა შევნიშნათ რომ შეშინებული მდგომარეობა მოსამსახურის თუთიყუშზედაც ასეთ შთაბეჭდილებას ახდენდა, ამიტომ როცა თვითონ თუთიყუში შეშინდა ის სიტყვებიც გაიმეორა, რომელსაც შეშინების დროს ისმენდა და მიბაძვით ამბობდა.¹⁾ თითონ შინაა-სი მოყვანილი სიტყვების ცხადად გვიმტკიცებს, რომ მათი მნიშვნელობა თუთიყუშს არ ესმოდა და ის იყო მხოლოდ მეხანიკური გამეორება უზაროდ შეთვისებული ხმებისა, მაშ, რაშია უმთავრესი განსხვავება კაცისა და ცხოველების ენათა შორის? უმთავრესი განსხვავება ის არის, რომ კაცს ენა ასოთ დასაყოფი (членораздельная речь) ესე იგი ყოველი სიტყვა კაცის ენისა იყოფება მარცვლებათ ნაწილებად და ამასთანავე აღნიშნავს რომელიმე საგანს ანუ განყენებულ აზრს, ესე იგი ყოველი სიტყვა კაცის შეკავშირებულია შინაარსთან. ცხოველების ხმები კი შორისდებულია (междометие) და საგანს არ აღნიშნავს. ცხოველები ხმებით გამოხატვენ თავის გრძობას: სიამოვნებას ანუ უსიამოვნებას (ძალდი წუწკუნებს სიცივისა, შიშხილისა და შიშხის გამო), სიხარულს (ძალდი სხვადასხვა ხმებს იღებს, როცა ატყობს, რომ პატრონი სანადიროდ ემზადება), სასქესო მიზიდულებას და თავის დასაცავ გრძობას (სულ სხვაა მაგ. ხმები შინაური პირუტყვისა, როცა მას ნადირი დაესხმის თავს). აზრს კი ცხოველები არასოდეს არა ნიშნენ ხმებით. მხოლოდ კაცსა აქვს ნიკი შეკავშიროს ხმა საგანთან, გამოხატოს ხმებით (სიტყვით) აზრი და განვითარების შემდეგ ცნებები; ამის გამო კაცის ენა იღებს შინაარსს.²⁾ როგორც ზემოთ ვსაუქვით ცხოველებს აქვს ენა გრძობითი (ЯЗЫКЪ ЭМОЦИОНАЛЬНЫЙ). იმ მნიშვნელობა გამოხატავენ ხოლმე გრძობას ანუ თავის მდგომარეობას მაგალითად, ძალდი ყეფს, როცა გული მოდის; ყეფა არის ნიშანი გულის მოსვლისა ასე ესმის ეს სხვა ცხოველებსაც.³⁾ კაცს კი

აქვს ენა გონებითი ანუ გონიერი (рациональный); კაცის სიტყვა აღნიშნავს გარდა გრძობისა (მაგალითად ოხვრა) წარმოდგენას, საგანზე ანუ ცნებას (понятия); გონიერი ენა არა აქვს ცხოველებს ვერცთვე, როგორც არა აქვს ცნებები. გონიერი მითომ ჰქვია კაცის ენასო ამბობენ ტენი და მიულლერი, რომ გონება არის ნიკი, რომლის შემწეობითაც კაცი არღენს ცნებებს და ითვისებსო.* ამ გვარ დასკვნაზე მიიყვანა მეცნიერულმა გამოკვლევამ ი. ტენი და მ. მიულლერი. პირველი იკვლევდა კითხვას ფსიხოლოგიურ ნიადაგზე, მეორე განსაკუთრებით ფილოლოგიურ ნიადაგზე აყენებდა კითხვას; ორთავე მეცნიერის აზრებ შორის სრული თანხმობაა, რადგან შედეგი ერთი და იგივე გამოუვიდა ორივეს, თუმცა კითხვას სხვა და სხვა მხრით იკვლევდნენ.¹⁾

ჩვენ დავსახელებთ ის პირობები, რომელთაც შეეძლოთ ხელი მოეწყოთ კაცისთვის ენის გასაჩენად, ესე უნდა ვაჩვენოთ რა იყო მიზეზი, რომელმაც გამოიწვია კაცი სამოქმედოდ და აიძულა ის ესარგებლნა ნაჩვენები პირობებით.

ცხადია რომ კაცის ცხოვრება დამოკიდებულია, როგორც გარეგნულ ფიზიკურ ბუნებაზე, ისე საზოგადოებაზე. ფილოლოგიური ფსიხიური მოთხოვნილება აიძულებს კაცს, რომ მან იქნოს კავშირი ანუ დამოკიდებულება ერთი მხრით ბუნებასთან და მეორე მხრით მისდა მზგავს ქმნილებასთან. განცალკევებული ცხოვრება კაცის წარმოუდგენელია. ისტორიის დასაწყისშიდაც (უკეთ რომ ვსთქვათ ქვეყანაზე გაჩენის პირველ დროშივე) კაცი, როგორც ცოცხალი ორგანიზმი, ცალკენ ვერ იცოცხლებდა. არსებითი მოთხოვნილება თავისი ბუნებისა განსაკუთრებით სულიერი აუძულებდა კაცს მოცემბნოს საშუალება, რითაც შეძლებოდა მას საკუთარი მდგომარეობის გამოხატვა და სხვისი მდგომარეობის გაგება ერთი სიტყვით ურთიერთ შორის კავშირის დაქერა. ეს მოთხოვნილებები პირველად ინსტიკტიურად მოქმედებდა

¹⁾ ibidem.

²⁾ Липпертъ. Исторія культуры. გვ. 255.

³⁾ И. Тэнъ. Обь умъ и познаніи гв. 522.

¹⁾ ibidem გვ. 507.

კაცის ბუნებაში, ვაშობთ ინსტიტუტურადყო მისთვის, რომ პირველადვე ყოველი სულიერი მგომარეობა კაცისა უნებურათ იხატება სხვადასხვა მოძრაობაში; ყოველ გვარი მდგომარეობა ბავშვის მისდა უნებურად მიისწრაფის გამოჩენს გარედ სხვადასხვა სახით მაგ. მოძრაობაში, ხმის ამოღებაში და სხვა. ენის საკიროება და დიდი მნიშვნელობა რასაკვირველია ენის გაჩენამდე მკაფიოდ არ ჰქონდა კაცს წარმოდგენილი, მაგრამ ბუნება მისდა შეუგნებლად აიძულებდა მას მიეღო შთაბეჭდილება საგნებისაგან, ესე იგი ფიზიკური გავლენა გარეგანი ბუნებისა გამოეცადა აგრეთვე გამოეხატა ესეთი მდგომარეობა გარეგნულად, ესე იგი თავიდანვე დაეწყო კაცს დამოკიდებულობა ბუნებასთან და დაეჭირა ის ადგილი რომელიც ეკუთნოდა მას სასიცოცხლო ასპარეზზე. ასე რომ მოკვირ ენის გაჩენისა იყო სხვადასხვა მოთხოვნილებები კაცისა, ხოლო მიზენი (ПОВОДЪ) ფიზიკური ბუნების გავლენა კაცზე: საგნებიდან მიღებული შთაბეჭდილება და აქედან წარმომდგარი სხვადასხვა მდგომარეობა, რომელნიც უნდა გამოეხატა კაცს როგორც კი შეეძლო. ბოლოს რომ ერთი შთაბეჭდილება, ანუ წარმოდგენა ერთ საგანზე მეორესგან გაერჩია, ამისთვის საჭირო იყო სხვადასხვა ნიშნებით აღნიშვნა. ასეთ ნიშნებად კაცმა იხარა ხმები, რომლის გამოთქმაც, როგორც ზევით ვსთქვით, ძნელი არ იყო მისთვის, შემდეგ მარტივი სიტყვები, ესე იგი ორი ან სამი ხმა შეერთებული და საგანთან შეკავშირებული.

ამ გვარად შეგვიძლია ვსთქვათ რომ ენის შექმნის ნიჭი ჰქონდა კაცს. კაცმა თვით მოქმედებით შექმნა ენა. ენა მზად არ მიუცია კაცისთვის არც ღმერთებს, როგორც ფიქობა და ფილოსოფოსი პლატონი, არც ბუნებას. თვითონ კაცმა შექმნა ენა და თვითონვე გაავითარა, რაშიც მას ხელს უწყობდა მისი სულიერი ბუნების პირობები და ფიზიოლოგიური აგებულება. ენა ბუნებრივი მოვლენაა. გონებრივი პროცესის, რომლის შემწეობითაც გაჩდა ენა ჯერ კიდევ არ დასრულებულა და

და არც დასრულდება, ვინემ კაცობრიობის წინმსვლელობა არ მოისპობა, ესე იგი როცა გაჰქრება გონებრივი მოძრაობა კაცის, მაშინ ენაც მოკვდება, რადგანაც ენა არის მისი გონების გამომხატველი და მისი შემოქმედებით ძალის ბეჭედი. „ენა მკიდრეთ არის შეკავშირებული გონებასთან“.¹⁾ ენის გაჩენა არ უნდა წარმოვიდგინოთ ისე, როგორც ერთხელ მომხდარი ფაქტი ისტორიაში და შემდეგ აღარ გამეორებული. გაჩდა ენა ძლიერ მარტივი და თანდათან ვითარდება, იზრდება და ფართოვდება. კაცს ეხლაც ნიჭი, რომ შეთხზას ახალი სიტყვები ესე იგი გამოეოძებნოს სხვადასხვა ხმები თვისის აზრების გამოსახატავად, მხოლოდ თუ დღეს კაცი იშვიათად სარგებლობს ასეთი ნიჭით ეს მიტომ, როგორც ამბობს ტეაღარი, რომ ყოველი ენა, რომელზედაც კი ლაპარაკობს ეხლანდელი კაცი, შეიცავს იმდენს სიტყვას, რომ კაცი ცოტათ თუ ბევრად უძრუნველ ყოფილია თვისი აზრების გამოსახატავად.²⁾

ზევით ჩვენ აღვნიშნეთ ის პსიხოლოგიური პირობები, რომელთაც შეუწყვეს ხელი ენის გაჩენას აგრეთვე გადაჭრით დაეხატათ ორ გვარი ენა: ენა გრძნობითი (ЯЗЫКЪ ЭМОЦИОНАЛЬНЫЙ) და ენა გონებითი (ЯЗЫКЪ РАЦИОНАЛЬНЫЙ); პირველი საერთო გვაქ ჩვენ ცხოველებთან, ხოლო მეორე კი შეადგენს ადამიანის საკუთრებას. ენა გრძნობითი არ ვითარდება და არც იცვლება, როგორც იყო ისეთია დღესაც, ხოლო მეორე-ენა გინებითი ვითარდება, დღითი დღე იცვლება. გრძნობითი ენასა და გონებითი ენას შორის არავითარი კავშირი არ არსებობს. ეხლა ჩვენს მიზანს შეადგენს ავხსნათ თან და თანობითი განვითარება გონებითი ენისა, სახელლობრ აღვნიშნოთ, როგორი იყო პირველ ხანაში ადამიანის ენა (ენა გონებითი) და როგორ განვითარდა უხსოვარის ღროიდან დღემდე.

¹⁾ Загорский. «Основания рациональной и субъективной психологии» 83. 25.

²⁾ Тэйлоръ. Антропология 83. 129.

ენა თვის განვითარებაში, ისე როგორც ყოველი მხარე ადამიანის ცხოვრებისა, ემორჩილებოდა თანდათანობის კანონს ანუ სხვანაირათ რომ ესთქვათ შეუწყვეტლობის კანონს, ესე იგი ენა პირველათ იყო მარტივი, უბრალო, შემდეგ თანდათან განვითარდა, გაფართოვდა და გართულდა. პირველათ ენა აღნიშნავდა საგანს, ანუ უკეთ რომ ესთქვათ საგნის ერთ შესატყობ ნიშანს, იმ ნიშანს, რომელსაც უფრო გავლენა ჰქონდა ადამიანზე და ხსდენდა იმაზე შთაბეჭდილებას.

შემდეგი იქნება.

ბ. ჯაფარიძე

ყოველად სამღვდლო ლეონიდის მოგზაურობა გურიაში.

მთქმის ათი წელიწადია, რაც გურიას აღარ ღირსებია მღვდელმთავრის მიმოხილვა და დახედვა. ამ ხნის განმავლობაში ხშირად იცვლებოდნენ გურია-სამეგრელოს ეპისკოპოსები, მერე დადგა ხალხის მოძრაობა, ხალხმა იწყო ყველა ღირებულობათა გადაფასება, აიმაღლა ხმა წინააღმდეგ სამღვდლოების უღირსთა წევრებისა, საერო პოლიტიკის გამეფებისა ეკლესიაში, ყბად აღებული დრამისა და ბოლოს ბევრგან გაისმა გაბედული ქადაგება ურწმუნოებისა. სწორეთ ამ დროს ესაჭიროებოდა ეკლესიას შეგნებული მცველი, მკერმეტყველი ქომაგი და გაბედული დარაჯი მაგრამ, საუბედუროთ, სულიერმა მწყემსებმა ვერ გაამართლეს თავიანთი დანიშნულება, ვერ გაუმკლავდნენ ცხოვრების უკუღმართ პირობებს, ყველა საცალა მიიმალა, ყველა დაღუბდა და უპატრონოთ დარჩომილი ქრისტიანი ერი ხელში ჩაუვარდა ურწმუნო და გაუნათლებელ პროპაგანდისტებს, უმწყემსოთ დარჩენილი სულიერი ცხვრები განაბნია და დიტაცა მსუნავა და გაუმადლარმა მკელმა გაჭირვება გამოცდა არის ადამიანის ღირებულობისა და სწორეთ მოძრაობის დროს გამოიხევედა

ჩვენი სამღვდლოების გონებრივი არარაობა, ზნეობრივი სიღუბე, სარწმუნოებრივი სისუსტე და უსუსურობა.

ბატონდებიან უღთობის მქადაგებლები, ცეცხლითა და მახვილით უსწორდებიან ყველას, ვინც ჰბედავს ეკლესიაში მისვლას და არ ივიწყებს სარწმუნოების მოთხოვნილებებს ძალადობით შევიწროვებული და შეშინებული სოფლის მცხოვრები, ხელს იღებს წირვალოცვაზე, ეთხოვება წმ. ზიარების მიღებას, სტოვებს მარხვას და გარეგნულათ სწყვეტს დამოკიდებულობას ქრისტიანობასთან.

ამ ბოლო დროს, ყოველად სამღვდლოს მეტათ დამაფიქრებელი ცნობები მოსდიოდა გურიიდან ქრისტიანობის შესახებ; თვით სამღვდლო პირები ამტკიცებდნენ, რომ გურიაში ქრისტიანობა მოისპო, გაქრა და დაკარგაო. ყველა ეს დრდათ აწუხებდა მის მეუფებას, გულის დარდათ გადაექცა გურიაში ქრისტიანობის დაცვა და ბოლოს მტკიცეთ გადაწყვიტა: „არა, სხვის ნათქვამს არ დავიჯერებ, მე თითონ წაველ გურიაში, ფეხით შემოვივლი თვითველ სოფელს, ქალსა და კაცს გამოველაპარაკებ, რამდენთაც ღმერთი შემადლებინებს, ყველას განუმარტებ ქრისტეს ღვთაებრივ მოძღვრებას და ცრემლთა ფრქვევით შევეხვეწები ყველას, რომ არ დაიღუპონ თავი, არ ჩაიცივდნენ მიუტევებელ ცოდვაში არ უღალატონ მამა-პაპეულ სარწმუნოებას და კვალად დაუბრუნდნენ ქრისტეს ეკლესიას“. ამ ასეთი ფიქრებით იყო მოცული მისი მეუფება, რომ მარტის 8, შუადღისას, გამეართა ფოთიდან სოფ. სუფსას ეტლიო.

სულ საათ ნახევარია სასიარულო ფოთიდან სუფსამდე და გწყინს მანძილის სიმცირე, რადგანაც ვერ გამაძლარხარ ბუნების იმ აუწერელი მშვენიებით, რომელიც თვალ წინ გეშლება ამ მოგზაურობაში: მარჯვენა ცხრა თვალ მზებზე ათას ფრათ მოელვარე ზღვა, მარცხნივ მდიდარი მცენარეულობით დაბურული სუფრასავით სწორი მინდორი, წინ თეთრი თოვლით დაფენილი აჭარის საოცნებო მთები! უკურებ ამ მშვენიებას და სიზმარში გგონია შენი თა-

ვი აი გავიარეთ ძვირფასი და ხელოვნების მხრივ. მეტად შესანიშნავი მალთაყვის *) ხიდი სახელი და დიდება ბ. ნ. ნიკოლაძეს, რომ მისი შეთაურობით გაკეთებულა ეს ხიდი, ურომლისოდაც გურია მოწყვეტილი ყოფილა ფოთზე და ოზურგეთიდან ფოთში ჩამომსვლელი მანამდე მიდიოდა სამტრედიისა და მერე იქიდან რკინის გზით ჩამოდიოდა ფოთში, რასაც მიჰქონდა მეტად დიდი დრო, დიდი შრომა, დიდი ხარჯი. ეხლა-კი, როგორც ზემოთ მოგახსენეთ, სუფსიდან ფოთამდე საათ ნახევრის სამოკზაუროა და ფაეტონი, თუ ოთხი კაცი ჩაჯდა, ახდევინებს თითო მგზავრს 75კ.

მალთაყვის ხიდს იქით ყოვლად სამღვდელლოს შეეგებნენ ოზურგეთის მაზრის უმფროსის თანაშემწე და ადგილობრივი ბოქაული.

გამოჩნდა სოფ. სუფსაც. ეკლესია და გალავანი სამსხა ფერად ტანისამოსში გამოწყობილი ხალხით. შემდეგ ჩვეულობრივი შესახვედრავი პარაკლისისა, რომელის დროსაც გალობდნენ სლავიანურათ ადგილობრივი სამინისტრო შკოლის მოწაფეები, ეპისკოპოსი სამღვდელთმთავრო მანტიით გამოძანდა ამბიონზე და ცნობის მოყვარეობით აღვსილ ხალხს მიმართა ლმობიერი მოძღვრებით, რომლის თემად აიღო პავლე მოციქულის შემდეგი სიტყვები, „მივირს, რამეთუ ესრეთ აღრე გარდაიქცევით მისგან, რომელმან იგი გიჩინა თქვენ მადლითა ქრისტესითა, სხვად სახარებად, რომელ სხვა არა არს, გარნა არიან ვინმე, აღძრამენ თქვენ და ჰნებავს გარდაქცევად სახარება იგი ქრისტესი“. (გალ. 1, 6-7). მისმა მეუფებამ მდაბიოდ, მოკლედ და ცხოველად დაუხატა მსმენელებს გარემოება, რომელმაც ათქმევინა დიდებულ მოციქულის მოყვანილი სიტყვები და მერე მოხდენილად შეადარა მსმენელები პავლე მოციქულის დროის გალატელ ქრისტიანებს. თქვენშიაც გამოჩნდნენ ამ ბოლო დროს პირები, ბრძანა ეპისკოპოსმა. რომლებსაც სურთ თქვენი გაუსჯულოება,

რომლებიც ცდილობენ, რომ თქვენ გადაუდგეთ ქრისტიანობას, რომლებიც გაგონებენ, რომ ქრისტე უბრალო კაცი იყო, მისი მოძღვრება მოძველდა, ქრისტიანობა მანვე და მახარალბელია ჩვენთვისო და სხვა. სამწუხაროდ თქვენ თითქოს მოგწონათ ეს ქადაგება, თითქოს დიდიხნიდგან გინდოდათ ასეთი რამეს გაგონება, ხალისით დაემოწაფეთ ახალ ქადაგებას და უმაგალითო სიადვილით ზურგი აქციეთ იმ ეკლესიას, რომელიც დაარსა ანდრია მოციქულმა, რომელიც შემდეგ წმ. ნინომ გადააქცია მთელი საქართველოს ცხოვრების დედაძარღვად, რომელმაც თქვენს სამშობლოში აღმართა ისეთი გასაოცარი ძეგლები, როგორიც არიან შემოქმედი, ჯუმათი, ნინო წმინდა, აქის ტაძარი და სხვები მრავალნი.

რატომ დაუტოვეთ თქვენ ასე ადვილად მამა-პაპეული სარწმუნოება? იმიტომ, რომ არ იცნობთ ახლო ამ სარწმუნოებას, არა გაქვთ შეგნება ქრისტეს სახარებისა. ევროპა, საიდამაც ჩვენ განათლებას ვსესხულობთ, ქრისტეს მოძღვრების მიმდევარია. როგორც ჩვენში წარმოუდგენელია საცხოვრებელი სახლი უკარო და უფანჯრებო, ისე ევროპაში შეუძლებელია, რომ ყოველ ოჯახს არა ჰქონდეს ძველი და ახალი აღთქმის საღრმთო წიგნები. იქ განათლებულ ქვეყანაში, თვითუფი წვერი ოჯახისა კითხულობს, სწავლობს და ითვისებს ქრისტეს მოძღვრებას და მოციქულების ქადაგებას და უბედურად, უვიცაო და ჩამორჩომილად მიჩნით ის, ვინც ზედმიწევნით არ იცის თავისი სარწმუნოების მოძღვრება. იქ ყველამ იცის სახარება და აკი ამიტომ დაწინაურებულებიც არიან! ჩვენში? არამც თუ უბრალო კაცის ოჯახში, ხშირად დედლის სახლშიაც ვერ იპოვნით სახარებას, ჩვენში ჩვეულებად არაა მიღებული ოჯახში საღრმთო წერილის კითხვა და ამიტომ ან სულ არა ვიცით რა სახარებიდან, ან თუ ვიცით რამე, ვიცით ნაწყვეტად, გაგონებით და ზღაპრულად. უცოდინარობის გამო არ გავკვებება დირსება ქრისტიანობისა და თუ უბრალო სოფლის შკოლაში ნასწავლმა ახალგაზრდამ

*) ამბობენ ეს ლათინური „მულტა აქვა“ არის და ქართულად ბევრ წყალს ნიშნავს.

გვითხრა: ქრისტე უბრალო მომაკვდავი კაცი იყო, ქრისტიანობა მოძველდა, სახარება ღვდლების შედგენილიაო, სინამდვილეთ მივიღებთ, მაშინვე დავიჯერებთ და ცხვრებივით უკან გავყვებით ამისთანა ახალგაზრდას და ის კი აღარ ვიცით, რომ კაცობრიობის უკეთესი და უგანათლებულესი ნაწილი ქედს იხრის ქრისტეს ღვთაებრიობის წინაშე და მხოლოდ სახარებაზე აფუძნებს თავის ბედნიერებას. ჩვენი რომ გაბედული მუშა გამოვიდეს და თქვას: წირვა-ლოცვა ტყუილია და ეკლესიაში სიარული უბრალო დროს დაკარგვიაო, ყველანი დავუჯერებთ მას და ფეხს აღარ შევდგამთ ეკლესიაში, თუმც ის კი აღარ გავვიგონია, რომ მსოფლიო გენიოსები და ბრძენი კაცები, როგორც მაგალითად დიდებული ინგლისელი გლადსტონი, ყოველთვის დაიარებოდნენ ეკლესიაში, ეხმარებოდნენ სამღვდლო პირებს საღმრთო წიგნების კითხვით და დიდი ხნობით ლოცულობდნენ. ჩვენში ვიდაც უდებმა და ზარმაცმა რომ წამოიყვიროს, კვირაც ისეთივე დღეაო, როგორც ორშაბათი და ამიტომ კვირას უნდა ვიმუშაოთო, მაშინვე შევებათ გუთნებს და ურბებს და ის კი აღარ ვიცით, როგორ მტკიცედ და სასტიკად უქმობენ კვირას განათლებული ევროპელები. ერთი სიტყვით, სუსტი ლერწამივით საიდანაც ქარი დაგვიბერავს, იქით გადავიხრებით და ცარიელი ქურებივით, ვინც რას ჩაგვძახებს, იმას ამოვიძახებთ. არა გვაქვს საკუთარი სულიერი ძალა, არა გვაქვს ცოდნა, შეგნება ქრისტიანული მოძღვრებისა და ამიტომ ახლად ფეხადგმული ბავშვივით მუდამ ვირყვით, ვტორტმანობთ და სამარცხვინოდ ვბარბაცობთ ცხოვრებაში.

არა, საყვარელო სულიერო შვილებო, საშიშია, დიდად საშიშია ასეთი სიმჩატე და დაუფიქრებლობა სარწმუნოების საქმეში. იცოდეთ, რომ ქრისტიანობის შეგნება უმაღლესი განათლებაა, ქრისტიანულად ცხოვრება ბედნიერების დამკვიდრებაა ადამიანისა შორის და ქრისტიანობის ერთგულება—დაცვა ერისა, საზოგადოებისა და ოჯახისა. ქრისტიანობის

დაკარგვა ჩვენთვის ყველაფრის დაკარგვია, რაშიაც ცხადად გვარწმუნებს უტყუარი მაგალითი ჩვენი ბეჩავი გამაჰმადიანებული ძმებრსა. ნუ მიიკარებთ ურწმუნოებას, განვითარდით, შეიგნეთ, შეისწავლეთ ქრისტიანობა და ამითი დაუახლოვდებით განათლებული ერების კეთილდღეობას, ამითი დაიახლოვებთ ქრისტე ღმერთს, რომელიც არის გზა, ქეშმარიტება და ცხოვრება.

სიტყვის შემდეგ დიდიდამ პატარამდე ყველანი იმთხვია ხელზედ და ეკლესიაში ვეგამოსცადა მოწაფეები სმლოთ სჯულში ბავშვებმა ცოდნა გამოიჩინეს.

სუფსის ეკლესია ხისაა, ტანით მომცროსა და უბრალო გემოვნების გეგმაზეა აშენებული. ადგილობრივი ღვდლის მეცადინეობით ეკლესია მორთულია შესაფერი კანკელით ხატებით, და ბარძიმ ფეშხუმით, სახარება და ჯვრები ვერცხლისაა, ტრაპეზი და სამკვეთლო გაწყობილია სუფთა შესამოსით, მხოლოდ ეკლესიის გუმბათი და კედლები მოითხოვენ შეკეთებას და ხალხმაც აღუთქვა ეპისკოპოსს შენიშნულ ნაკლულევანებათა შეკეთება. ყოველად სამღვდლომ ყურადღება მიაქცია, რომ ეკლესიის კარიდგან რამდენიმე ნაბიჯზე სამიკიტრო დუქანია გახსნილი და უბძანა ბ. მაზრის უფროსის თანაშემწეს ამ დუქნის დაკეტვა.

შემდეგი იქნება.

ქალაქ ქუთაისის გამგეების საყურადღებოთ.

გაზაფხული უკვე თავდება და აღთქმული წყლის არხები არსადა სჩანს. ამზობდნენ, ამ გაზაფხულზე უნდა დაწყებულიყო, მაგრამ, როგორც ხედავთ, მზობა არ გამართლდა. კიდევ კვლავინდურ მდგომარეობაში ვრჩებით და წყალი კი თანდათან გვიფუქტდება, რადგან ქალაქი, საათობით თუ არა, წლობით მაინც იზრდება. იმას ისიც დაუმატეთ— რომ ქუთაი-

სიღვან ოთხ ვერსია მანძილზე, რიონის პირათ ჯარის საზაფხულო ბანაკია. რაც რამ აქ უწმინდურება იბადება, ყველა ჩვენ სასმელ-საქმელში ჩადის. ამბობენ, საქმე სამინისტროშია გაგზავნილი განსახილველათ და ჯერ არ მოგვსვლიათ და ამით აშოშმანებენ საზოგადოებას, მაგრამ რა დრომდის? ჩვენ კარგად ვიცით, როგორი სიზანტით კეთდება საქმე სამინისტროში, თუ იქვე არ ყავს მშველელი და დამჩქარებელი. ეს კარგათ იცის ქალაქის თავმაც და მთელმა გამგეობამაც, მაგრამ არავინ ყურს არ აპანტურებს. ნ. ნიკოლაძეს რომ ასეთი საქმე დაეწყო, ამ ხნის განმავლობაში სამ-ოთხ ქალაქს გაუკეთებდა არხებს და აქ ერთიც ვერ მოგვიხერხებია. რა მიზეზია? ალბათ „ციხეს კარი უნდა და კარს კაცი“.

ან კი რათ ექირვებათ ქალაქის მამებს შენი არხები? გავა თუ არა მისი, ჯიბეს და-ისქელებენ და გავლენ საგარაკოთ ზოგი ბორჯომის ხეობას, ზოგი აბასთუმანს, ზოგიც კისლოვოდსკს და სხვა ბუნებით შემკობილ აგარაკებში, სადაც სჩქეფს ანკარა, ცივი და გამაცოცხლებელი წყაროები. აქ ვიღას გაახსენდება შენი ტალახიანი რიონი და დაფინთული ქუთაისი?

მაგრამ ღმერთსაც შეხედეთ, ბატონებო წარმოიდგინეთ, რომ ყველა თქვენისანა ჯიბესასქელები არ არიან და სიღარიბის გამო რიონის სადგურს ვერ გასცილებიან; მათაც უნდათ ორი დღის გაქირვებული სიცოცხლე არ მოიშხამონ, როცა ეს შესაძლებელია, მათაც უნდათ სუფთა ჰაერი, სუფთა წყალი. მაგრამ თქვენ არ გესმით ეს! მაშინ თქვენი მოვლეობა მაინც გაიხსენეთ, გაიხსენეთ, რომ მოქალაქენი ჯამაგირს გაძლევენ, მიტომ კი არა, მხარეთქოზე წამოწვეთ, ბანქოში წააგოთ, არამედ—იმოქმედოთ, იზრუნოთ ქალაქის კეთილ-დღეობისათვის; პატივით და დიდებით გაგიდლოებენ, მიტომ კი არა, ფეხქვეშ გათელოთ მათი პიროვნება, დაამციროთ მათი თავმოყვარეობა და ადამიანური გრძობა, არამედ მარჯხაროთ, რამდენათა ცშესაძლებელია, და დაყენოთ ადამიანურ ცხოვრების გზაზე.

გაიხსენეთ, რომ ისინი გრძობენ, რომ თქვენ უგანათლებულესნი და უნიჭიერესნი ბრძანდებით, რომ თქვენ შეგიძლიათ, თუ მოინდომებთ, საქმის გაკეთება, ამიტომ თითონ იტყაუებიან და თქვენ ჯიბეს ოქროებით გივსებენ. ნუ თუ ეს გარემოება არ გავალბებთ, რომ უშველოთ მათ, ვინც ასეთი ნდობით შეგაიარაღათ*?!

მაგრამ სიკეთისათვის სიკეთე ვის უქნია? ის კი არა, რიონის სადგურზე დაღამებიდგან გათენებამდი უნდა იცადო თბლისიღვან მოსულმა კაცმა, რომ ქუთაისში ჩასვლას ეღირსო. ნუ თუ ესეც ძნელი საქმეა ჩვენი ქალაქის თავებისთვის? ამას ხომ სამინისტრო არ ექირვება? ქუთაისსა და რიონს შუა საკუთარი მატარებელი მუშაობს და რა დაშვებდა ერთჯერ ზედმეტი გზა გააკეთოს, რომ მგზავრები თავის დროზე მიყვან—მოიყვანოს? ეს საზოგადო მიმოსვლის წესრიგს არ შესცვლის და ამიტომ ადვილი გასასწორებელი საქმეა, თუ ჩვენი ბატონები შეიღებენ თავს... როდის ექნება დასასრული ამ უთაობას და უკაცობას!.....

ქუთათელი.

სად არის ბერობა?

ვინც არაფერს აკეთებს, არსებობის უფლებაც არა აქვს. ეს ქვეყანა ყანაა, ან, ქრისტეს იგავით რომ ვსთქვათ, ვენახი და ჩვენ ყველანი მუშაკნი, ზარმაცი და მით უფრო სრულიად არაფრის მაკეთებელი კაცი არ მოითმინება, როგორც მამალი ფუტკრები სკაში. ბ. სასულიერო ბრძანებს, მონასტრებს არაფერი გაუკეთებიათო. სავალალოც ის არის, რომ არაფერი გაუკეთებიათ და არც არაფრის გაკეთებას აპირებენ. სამწუხაროც ის არის, რომ ახლანდელი ბერობა არც თავს არგია და არც სხვას. დარიის მონასტერი, რა თქმა უნდა, გამონაკლისს არ შეადგენს სხვა მონასტრებისაგან, მაგრამ სხვა საერთო ნაკლთან

საკუთარი დიდი ნაკლიცა აქვს, სახელდობრ თვისი ადგილ—მღებარეობა, სადაც ყოველი მცირე შეცთომაც კი არ დარჩება შეუნიშნავი გარნზე პირთაგან, ხოლო ეს დიდ საცთურებას წარმოადგენს. ერთი სულ მცირე შეცთო-მა საკმარისია განუმტკიცებელ მორწმუნისათვის, რომ თლათ უარყოს მთელი ქრისტიანობა. ჩვენ ამით ის არ გვინდა ვსტკვათ, რომ ვითომ დარიის მონასტერი ცუდ მაგალითს აძლევდეს გარეშემორტყმულ ხალხს, ჩვენ ვაძრებთ, რომ ყოველ უმნიშვნელო შეცთომას აქ შეუძლია განსაცდელში ჩააგდოს მცირედმორწმუნე და დაუკარგოს საზოგადოდ მონასტერს თვისი მიმზიდველობა. ეხლა საზოგადოთ არ სჯიან ბერობაზე. საკმარისია ერთმა ბერმა შესცოდოს, რომ მთელი მონასტრობა და ბერობა გაილანძლოს და ფასი დაკარგოს მორწმუნის თვალში. სხვა მონასტრებს, რომ არაფერი გაუკეთებიათ ამ განვლილ საუკუნეში, ეს კიდევ არ ამართლებს დარიის მონასტრის უმნიშვნელო არსებობას. თუ ეს მონასტერი რაიმე საჭიროებამ გამოიწვია, კიდევ უნდა მოქმედებდეს ამ საჭიროების დასაკმაყოფილებლათ და თუ არა, რა არის მიზანი მისი არსებობისა? ნუ თუ მხოლოდ ის, რომ ორიოდე შრომის მოძულე (რომ მეტი არა ვთქვათ) პირმა თავი შეაფაროს? მიგრამ ეს ხომ არ შეშვენის მონასტრის მაღალ დანიშნულებას. გარნა, მიუხედავად ამისა, ბევრისაგან გვსმენია ასეთი საუბარი: „ბერათ მიტომ წავედი, მოსვენებული და უზრუნველი ცხოვრება მინდოდაო, თორემ სამუშევარი შინაც ბევრი დავტოვეო“. ასე მოაზრე ბერობა დიდ ნუგეშს არ წარმოადგენს სამშობლოსა და სარწმუნოებისათვის, რომელიც (სარწმუნოება) პატოსან შრომას სათნოებათ აღიარებს და გვიბრძანებს ექვსი დღის მუშაობას კვირაში.

ჩვენ არ გვინდა დარიის მონასტრის დახურვა. ჩვენ გვინდა იარსებოს და რამე აკეთოს, რამე სარგებლობა მოუტანოს ზნეო-

ბრივი ან გონებრივი ერს. თუ ასე არ იქნა და რა აზრი აქვს, მიბრძანეთ, უსარგებლო და უმიზნო არსებობას?!

სკლი.

უცნაური ზარის ხმები:

არაჩვეულებრივ შემთხვევას მოგვითხრობს საიდუმლოების მხარიდგან საზოგადოებაში გამოსული მანილოსანი, ექიმის ქვრივი, დედაკაცი სრული ინტელიგენტი და განვითარებული, ნადედა ჰავლეს ასული ა—ვა. შარშანწინ შემოდგომაზე დაიღუპა ნადირობის დროს პეტერბურგის ახლო ახალგაზდა პორუჩიკი გიორგი მ—ი.

ეს აფიცერი, იაპონიის ომის გმირი, გულადი და ქველი, მონაწილეობას ღებულობდა ჩხუბში ვაფანგოუდგან დაწყებული მუკდენამდი და თექვსმეტჯერ იქმნა გაქაწრული.

უკანასკნელ ხანებში იგი ცხოვრობდა და მსახურებდა ფინლიანდიაში. როცა სამსახურის გამო პეტერბურგში ჩამოვიდოდა მთელ თავისუფალ დროს ა—ვის ოჯახში ატარებდა.

აქ ის თავისიანად ითვლებოდა და ყველას ძალიან უყვარდა. ერთხელ პორუჩიკი მოვიდა ა—ვისას, სადაც ამ დროს ელექტრონის ზარები არ მოქმედებდნ.

მე გ. გიმართავო ზარებს და დაიხსოვით, რომ ივინი დარეკავენ ჩემ სიკვდილის დღესო, სთქვა აფიცერმა.

დედამაც და ქალიშვილმაც მხოლოდ გაიცინეს პორუჩიკის სიტყვებზე. ხოლო მეხანიკი შეუდგა ზარებისა და მართულების სწორებას. ამის შემდეგ გავიდა რამოდენიმე დღე. შემოდის ა—ვისისას პორუჩიკი დაღონებული და მოშლილი. ყველა კითხვებზე იგი მხოლოდ სიჩუმით და ხენეშით იძლეოდა პასუხს, ბოლოს წამოდგა და გამოეთხოვა სიტყვებით: „მე ხვალ სანადიროთ მივდივარ.“

— ზარები მაინც არ მუშაობენ უთხრა მას ქ. ა—ვმა.

— დარეკენ ჩემი სიკვდილის დღეს,—არ წმუნებდა პორუჩიკი.

ყველამ გაიცინა. ამ დროს აქ იყვნენ კიდეც ქ. ქ. ცე—რა და ნ. პ. მეორე დღეს პორუჩიკი წავიდა.

სალამოს ა—ვის ქალი სოფიო სასადილო ოთახში იჯდა და წიგნს კითხულობდა. უეცრად მას შემოესმა კარების კრიკინი. მან აიხედა მალა და..... გაშეშდა..... კარებში იდგა მარცხენა ხელზე დაყრდნობილი პორუჩიკი მ—ი, მარჯვენა ხელი რაღაც უცნაურად ჩამოჰკიდებოდა, ხოლო გვერდიდგან და მკერდიდგან სჩქეფდა სისხლი. ქალიშვილმა შეჰკივლა, ჩვენება გაჰქრა.

სწორეთ იმ საათში და იმ დღეს პორუჩიკს მძიმედ დეგქრა თავი ნადირობის დროს მკერდის მარჯვენა მხარეზე, რის გამო მარჯვენა ხელი სრულიად დაჩქვილი აღმოაჩნდა. დაჭრილი პეტერბურგის საავთმყოფოში გადიტანეს. გავიდა რამდენიმე ხანი. ავთმყოფის მდგომარეობა თანდათან ფუქტებოდა; დადგა უკანისკენელი წამი და ავთმყოფი მიიცვალა. ამ დროს საავთმყოფოში დაესწრენ მხოლოდ დედა და ცოლი მისი.

ა—ვები ნაცნობებთან ერთად შინ იყვნენ და მუსიკობდნენ იმავე პარუჩიკ მ—ზე. უეცრათ მთელ სახლში გაისმა ელექტრონის ზარების რეკვა. ამ დროს შევიცარმა მოახსენა ქალბატონს, რომ მას ტელეფონზე თხოულობენ საავთმყოფოდგან. ატყობინებდნენ, პორუჩიკი ამ წამში გადაიცვალაო. სიკვდილის დრო და ზარების რეკვა ერთმანეთს ეთანხმებოდნენ.

უფრო გასაკვირი ის არის, რომ შემდეგ ოსტატმა დაათვალიერა ზარები და ნახა, რომ სრულიად დაზიანებული არ ყოფილან.

პორუჩიკის დასაფლავების შემდეგ ზარები კარგად მუშაობდნენ, მხოლოდ ორმოცის შესრულებამდის სამი დღის წინ კიდე დადუმდნენ, ხოლო მეორმოცე დღეს შემდეგ პორუჩიკის სიკვდილისა ხელახლა დარეკეს თავისთავად.

(„რებუსი“) „პ. დ. ი.“

ძველი და ახალი აღთქმის ეკლესიის მსახურთა შემოსავალი.

ძველ აღთქმაში კეთილმეუბეულობით შეწირულება ტაძრის მოსამსახურეთა სსარგებლათ არ იყო. მოსეს რჯულით მათი მისცემი გადასახადის ზამა გადაწვეტილი იყო. რიცხვთა წიგნში III, 47-XVIII, 15-16) ვკითხულობთ, რომ ტაძრის მოსამსახურეთა სსარგებლად იხდადნენ ძველი ებრაელები უფროს ვაჟიშვილზე 5 სიკლს, ხოლო დედათა სქესი, თუ იქნებოდა 3 სიკლად ერთი სიკლი 4. 50 კ). ეს წესი აღსრულს ერმა იესომ. ყოფილად წმიდა ქაწული, თუმცა ძღაერ ღარბი იყო, მაგრამ მაინც შესწირა 5 სიკლი ტაძარს. გარდა ამისა ხალხი ოჯახის ნაწარმოებიდგანაც აძლედა ტაძრის მოსამსახურეთა. ამ ნაირათ ძველი აღთქმის მოსამსახურეთა სამდვდულობას, როგორც ჩანს ზევით მოყვანილი საბუთებიდგან შვირე შემოსავალი არ ქონია.

ახალი ეკლესიის დაარსებისთანავე მოსეს რჯულის მოთხონილებამ ეკლესიის მოსამსახურეთა გადასახადის შესახებ დაკარგა თავისი ძალა. ნაცვლად ამისა დაარსდა კეთილმეუბეულობითი შეწირულება სამდვდულობისა და ეკლესიის სსარგებლად. თვით იესო ქრისტემ წარგზავნა რა თავის მოციქულები საქადაგებლად სხვადასხვა კუთხეებში. უთხრა მათ: „ხუ მოიდებთ ოქროსა, გინა ვერცხლსა, ნუც რგალსა, სიტუვათა თქვენთათვის, ნუცა ვაჟკარანსა გზასა ზედა, ნუცა ორსა სამოსელსა... რაქეთუ დირს არს მუშაკი სსაუადღისა თვისისა, (მათე. X 9—10). საქმე მოციქუთა წიგნიდან სჩანს რომ (IV 32 37) მოციქულები და თანამაზრე ქრისტეანები შეადგენდნენ ერთ ოჯახს, ერთ მტკიცედ შეკავშირებულ საზოგადოებას, რომელთაც ქონდა „ერთი გული და ერთი სული“, ისე, რომ ეისაც კი რაიმე ქონდა უიდა და მიქონდა „ფერს თა ქვეშე მოციქულთასა“. მაგ. იოსია კვიარელმა გაუიდა თავისი ყოველი ქონება და ფული მიუტანა მოციქულებს. ჭეშმარიტად ეს დრო იყო, დრო მადლიან ერთსულობისა და ერთგულობისა; მაგდამ ამ შაოლიან დროსაც იუვენენ კერძო სკუთრებისა და მატრიფის მოყვარეობით გატაცებულნი. ესენა იუვენენ

ანანი თავის თანამოზარეობითა და სუა...

ჩვენ დროში კეთილმზებულობითი შეწირუ-
ლება-ტაძრის მოსამსახურეთა სასარგებლოდ აღ-
სუფუფს.

საქართველოში განა მოიძებნება ისეთი ზირი,
რომ ტაძრისა და მის მოსამსახურეთა სასარგებ-
ლოდ შესწიროს რამე? ძველ დროში ქართველთა
შეფუფები თავად-აზნაურობა სოფლობით სწირავდენ
ეკლესიას და სამღვდელთებს. აშენებდნენ, აშობ-
დნენ სხვადასხვა ძვირფასი თვალმარჯალიტითა და
ოქრო ვერცხლითა ხატებს. ესლანდელი ქართველე-
ბი კი ნაცვლად შეწირვისა, რაც მათ მამა ზაზას
შეუწირავს გამოწირველ წვეულა კრულვით ეშუქ-
რიან. უკანვე იბრუნებენ სხვადა სხვა ხრიკე-
ბით, თვალგვენ უაზრო ქეთვსა და დრო-
ების ტარებაში მათ ნათესურთა. დღევანდელ ბრწინ-
ვალე წოდებას ეკლესიას და მისი მსახურნი აღარც
კი ახსოვს. ან კი რა საჭიროა მისთვის ეკლესიას,
როდესაც შიდა არ შედის და სამღვდელთებსაც აღ-
ახსოვს! აქ უნდა შევნიშნოთ ერთი არა სასურველი
მოვლენა. ზოგიერთა თავადებს აქვსთ მამა ზაზათა-
გან დატოვებული ძველი, გაცივებული სასახლის
ეკლესიები, უურადდებოთ მიტოვებულნი, მაგრამ
დადგა დრო სამღვდელთების აღრჩევითი წესისა თუ
არა, ვისაც კი ქონდა ეკლესია, მოითხოვა მღვდე-
ლი. ეს გაცივებული სუადრები ზოგიერთთავის,
როგორც ამბობენ, შემოსავლის წყაროთ გადაიქცა.
ზოგიერთა თავადები თვით უკიდურეს სიღარიბეს
განიცდიან და მღვდელს რას მისცემენ! ამ მოქმე-
დებაში იმალება სამღვდელთებისა და ეკლესიისა-
თვის სასიარტხო მიზანი.

დღეს საქართველოს სამღვდელთებს არჩენს
მდაბიო ხალხი; თავადაზნაურობა და სასუ-
ლიერო წოდება მას არაფერს უხდის.
რაზრდაც გულმწურავლია ზირული, ე. ი. მდაბიო
ხალხი. მეტწილად სუკუნის დამლევაში თავად-
აზნაურობაც და სასულიერო უწებაც აძლედა
სამღვდელთებს განსაძრულ სარჩის. მაგ. შორა-
ხნის მაზრაში თვითუული მოსახლე ორ ფუთ სიმიდს
ანუ ზურს და სამ ფუთ ღვინოს უხდოდა სამღვდე-
ლთებს წელიწადში, ამასთან ზედმეტს მღვდე-
ლთებებისათვის, მაგრამ 1904 წლიდან აღარა-
ფერს აღარ უხდის, რაზედაც კლესიაცობა დრტვი-

ნავს. სენატის გადაწყვეტილებით 1874 წელში
უკვლა უნდა უხდიდეს სამღვდელთებს დრამის
ფულს განურჩევლად წოდებისა. ზაგლე მოციქული
ზირდაზირ მოითხოვს ტაძრის მოსამსახურეთა შრო-
მის დაჯილდოებას. (კორინ I, 7-11).

დასავლეთ საქართველოში ისეთი მცირე შემო-
სავალი აქვს სამღვდელთებს, რომ იგი იძულებუ-
ლია გარეშე მუშაობით არჩინოს თავის თავი და
ცოლშია. ჩვენ არ ვიცით მღვდელი,
ანუ შედმვითნე, რომ მარტო მრევლის შემოსავლით
ცხოვრობდეს. ზოგიერთა ვაჟბატონები ხდეს
ურჩევდნენ, რომ სამღვდელთებისთვის არაფერი
მიცნათ, ვითომდა ხაზინა აძლევენ ჯამაგირსა.
დღეს სამღვდელთებს ხაზინა აძლევენ 70 — 300 მა-
ნეთამდი და ეს განა ჯამაგირია? ადენს ხომ უბრალ-
შეიცარი და სტოროჯიც იღებს...

ცხადია, რომ ძველი აღთქმის ეკლესიის მო-
სამსახურეთ მტე შემოსავალი ქონათ დღევანდელ
სამღვდელთებსაზე.

ვისაც სურს რომ სამღვდელთებსაში სარგებ-
ლობა დაინახოს, მას უნდა ქონდეს ბრწინვალე თვა-
ლი სარწმუნოებისა. ვისაც ეს თვალი არა აქვს მას არ
შეუძლია დაათასოს სამღვდელთების სამსახური და
სარგებლობა, ვინაიდან სიტუეისამებრ მაცხოვრისა!
„ხედვენ და არა ხედვენ, ესმისთ და არა
ესმისთ, არცა გულის ხმა ეგვიან. რამეთუ განერა
გული ერისა ამის (მათ. XIII 13, 15).

დეკ. ი. წერეთელი.

რა გვემართება?

მას შემდეგ, რაც საქართველოს ეკლესი-
ამ თვითარსებობა დაკარგა, მასში საღვთისმე-
ტყველო ლიტერატურა მოიხპო. ასეც უნდა
ყოფილიყო. რა ააყვავებდა ჩვენში ხსენებულ
ხანაში სასულიერო მწეროლობას? მწყემსთა
კათედრიდან შეწყდა დენა სწავლა-მოდღვრე-
ბისა. ეკლესიის სათავეში ჩაუღდა ენით, ხასი-
ათით და მიმართულებით უცხო მწყემსი. მას

ხალხის არაფერი ესმოდა და ხალხს მისი. მისთვის სამწყსოს გული გაშლილი არ იყო, მას შეძლება არ ქონდა და ზოგს არც აღარ-დებდა მწყემსური მზრუნველობით ჩაეხენდა სამწყსოს სულში.

თვითარსებობა და თვითგანმგებლობა სადაც ისპობა იქ ეცემა თვით-მოქმედებაც. ასე დაემართა ქართველ მწყემსებსაც. მრავალ ხნის ავეკუნობამ, სხვის შეყურებამ ქართველი სამღვდლოება საკუთარ მოქმედებას გადააჩვია და სასყიდლოთ დადგინებულ მწყემსებს დაამსგავსა ცოცხალი მოქმედების ალაგი „კანცელარია—ქაღალდმა“ დაიჭირა და ღვთის სასუფეველის საკითხი კუქ—მენდღების საკითხმა. რა ხდებოდა სასწავლებლებში ამ განათლების კერაში? უცხო ენაზე სწავლება ფრთას აკვეცდა იქ მშობლურ ნიადაგზე აზრის განვითარებას. ყმაწვილს პატარობითვე უჩლუნგებდენ გონებას უცხო ენაზე უაზრო სწავლით. როცა ბავშვი უცხო ენაზე სწავლობს, მისი ყურადღება ორად იყოფა. ის იმდენად აზრს არ აქცევს ყურადღებას, რაცდენად სიტყვებისა და წინადადების სწორ წარმოთქმას. სწავლის სიძნელე, უხეირო სწავლებით გამოწვეული, ბავშვს საგანზე გადააქვს, ეზარება იგი და იმას ფიქრობს, როგორმე მოიშოროს იგი და არა შეითვისოს. საშვალო სასულიერო სასწავლებელი, რომლის დანიშნულება მწყემსთა აღზრდაა დაბალ სასწავლებელს არ ჩამოუარდება ყმაწვილის დამახინჯებაში. მახინჯი სისტემა აღზრდისა უკლავს აქ კაცს ცოცხალ სარწმუნოებას და უშვებს სრულებით უფიც სამშობლო ეკლესიის ენისა. რა ააყვავებდა ამ პირობებში ქართულ სასულიერო ლიტერატურას? სულიერი სიცოცხლე გაიყინა, მწყემსნი დაღუმდენ, სამწყსო გაიბნა ლიტერატურა კი იქ ყვავის, სადაც მუშაობა დულს, სიცოცხლე ჩქეფს.

სინოდმა ამას წინად სიქართველოს სამღვდლოებას უარი უთხრა სასწავლებლებში საღმრთო სჯულის ქართულ ენაზე სწავლის შესახებ ქართულ სახელმძღვანელოების უქონლობისაგამო. სახელმძღვანელოები სად გვექ-

ნებოდა, როცა სკოლა არ გვექონდა. არ იყო მოთხონილებად იყო სახელმძღვანელოებიც. მაგრამ რის მოთხოვნილებაც იყო, ის გვაქვს განა? განა არ იყო ჩვენში საქიროება დალაგებული სწავლისა საღმრთო საგნებზე, როცა უარყოფითი მხარე ქადაგებას ეწეოდა სარწმუნოების წინააღმდეგ? სად იყვნენ და სად არიან მწყემსნი, როცა ფხვს ისე ვერ გადგამ, სარწმუნოების საწინააღმდეგო არ გითხრან, ან არ წაგვიკითხონ, როცა საქართველოს ბაზარი გაივსო ამ შინა-არსის წიგნაკებით და ამ დროს მორწმუნე ქართველი სანთლით ეძებს გამამხნეველ მოძღვარს და მის სიტყვას? ბევრი ითქვა, ბევრი დაიწერა, მაგრამ გაფარისეველებულ გულზე ვერაფერმა იმოქმედა. სძინავთ ჩვენ სწავლით შექურცილ მოძღვრებს და მათი სამწყსო კი იფანტება, იკარგება.

გულს წყლავს „იმერეთის სარწმუნოებრივ განმანათლებელ ძმობის“ განცხადება, გურია სამეგრელოს სამღვდლოებაზე. ერთიც მათგანი არ ჩაწერილა ძმობაში. იმ სამღვდლოებას, რომელიც აკაკის სახელობაზე სტიპენდიას აარსებს, არ ყალია არც ერთი წევრი, რომელსაც მოესურვოს წმიდა გიორგის დროშის ქვეშ დადგომა სარწმუნოებრივ განათლების გასაფრცხლებლად. ნივთიერ სიღარიბის ბრალია ვითომ? არა. ეს ზარმაცული, ფარისეველური თავის მართლებაა. რამოდენიმე მანეთის თამბაქოს მოწვევს ზოგი მათგანი და ათასნაირ სამქვეყნო სიამოვნებაზე არ დაიშურებს ფულის დახარჯვას.

კმარა ძილი, კმარა სხვისი და თავის მოტყუება! თუ გვიყვარს ქრტის ეკლესია, თუ შეგვრჩენია ნაპერწკალი სულიერი ძალისა და გვაქვს შევნება მოვალეობისა, მწყემსნი და მოყვანნი, დრო არ არის საქვეს მოვიკლოთ ხელი?

ა. მწიბი.



ბ. დიმიტრას ძამიდაშვილს.

1) მაგალითით: „წაუკითხე წიგნი“ ის კი არ გვექონდა მიზნად, რომ სავსებით გამოგვეხატა მდგომარეობა მღვდლისა და ერისა ლოცვის დროს და დამოკიდებულობა მათ შორის, არა ჩვენ მხოლოდ მიქცეული გვექონდა ყურადღება „უნზე“ და გვესურდა გვეთქვა, რომ უნი მაჩვენებელი არის იმისა, რომ მოქმედება სხვისთვის სწარმოებს. მთელი თქვენი „იქით-აქეთ“ ნათქვამი უაღაგოა.

2) თქვენ ამბობთ: „აღვასრულოთში უნი სწორეთ იმის მაჩვენებელია, რომ აქ ვედრება სხვისთვის, სრულდება, მაგრამ მას წინ უძღვის ვინი და იგი ამ სხვასთან ერთად ჩვენც გვერდში გვაყენებს.“ — „ივანეს პური მოუქმათ“ ჩვენ აქ პურს ვმკით ივანესთვის და არა ჩვენთვის; აქ არა სჩანს, რომ მომკლიდან ჩვენც წილი გვერდება. მთელი ჩვენი მოქმედება—მკა მხოლოდ ივანესთვის სწარმოებს. ასე აქ ვინი ჩვენ ნამოქმედარიდან წილს არ გვაკუთვნის. „ილიას ქათამი შევეუწვათ“. აქ ვინი არაა მაჩვენებელი იმისა, რომ ქათამის ფეხიც მიინც შეგვხვდება, „აღვასრულოთში“, მიუხედავად ვინისა, მთელი ჩვენი მოქმედება-აღსრულება სხვისთვის სწარმოებს.

3) თქვენ ულაზათოთ „ნათქვამათ“ მიგაჩნიათ ჩემი სიტყვები: „ლოცვა საჭიროა არა იმისთვის, რომ გავაგებინოთ ღმერთსა ჩვენი საჭიროებანი არამედ რათა“... მაშ თქვენზე წმ. იოანე ოქროპირის სიტყვებიც „საჩოთირო შთაბეჭდილებას“ მოახდენენ; ის ამბობს: „ლოცვა (თხოვა) საჭიროა არა იმისთვის, რომ ვაუწყოთ ღმერთსა, არამედ იმისთვის, რომ მუდმივ ლოცვით (ხვეწნით) შევეუერთდეთ მას; დავმდაბლდეთ-დავმშვიდდეთ, რათა მოვიგონოთ ჩვენი ცოდვანი“. მთელი თქვენი გაბრტყელებული რისხვითი მსჯავრი ლოცვაზე ჩვენ მიერ ნათქვამის შესახებ უაღაგოა.

4) მართალია, თქვენ დიდის რიხით და დიდი მკოდნის კილოთი სწერთ და ხშირად გაიძახით: „ულაზათოდ, მსუბუქად, ლოლიკა.

ში საბუთი არ აქვს, ენა არ იციან და სხვა“, მაგრამ მაინც უნდა მოგახსენოთ, რომ შინაურ საქმეების მეორე ნომერში თქვენ მიერ „გაწეულ-გამოწეული“ და აფუებით და ქინკლაკილოებით მოქარგული ნათქვამი „აღვასრულოთ“ ის შესახებ უადგილოა. ნუთუ გგონიათ, რომ წმ. ვასილ და იოანეს დროსაც ლიტურგიებში თხოვნითი კვერეკსი აღვასრულოთ“ მოთავსებული იყო? კეთილინებეთ ლიტურგიების რედაქციების ისტორიის გადათვლიერება ჭ გაიგებთ თუ რა შედგენილობის იყო წილის წესი წმ. იოანეს დროსა. შემდეგ, თქვენ გადაქრით ამბობთ, რომ ბერძნული სიტყვა „აღვასრულოთ“ „გავათავოთ“ ს არ ნიშნავსო, არამედ „აბა ვეცადოთ აბა მოვიწოდოთ, აბა რაც შეიძლება გულმხურვალეთ დავიწყოთ ღვთას ვედრება“. ბერძნულ ლექსიკონში სწრია: „პლიროო“—Дѣлать полнымъ; наполнять; исполнять; оканчивать; совершать; дополнять; удовлетворять; утолять; распространять. აბა შეიძლება თუარა, ვსთქვათ, რომ „აღვასრულოთ“ „დავასრულოთ“ ს ნიშნავს? — თქვენ თვითონ ამბობთ: „პლიროო“ ნიშნავს ავსებას სკურკლისას ხოლო ავსება იგივე დასრულება-დათავებაა.

ეპისკოპსი დავითი.



ურწმუნო იყო თუ არა დარვინი?

ჩარლზ დარვინის, მეცხრამეტე საუკუნის ბუნების-მეტეველის, სხეულა რადაც ბნელა დემონიური შანაჯანდელით არის გარემოცული მკითხველ საზოგადოების თვალში; ჩვეულებრივად მას უეუერბენ ჯოჯოხეთის ძალთა წამოუენებულ ტიტანთ (გმირათ), რომელმაც კანდიერად გაუშვირა ხელი და გადმოაგდო საუკუნო ტახტიდან დიდება ღვთისა და თვით ღმერთი. ამ აზრში გულსმოდგინეთ ამტკიცებდა და დღესაც ამტკიცებს საზოგადოებას კრედიკალურ მამართულების ჰრესსა.

მაშინ როდესაც კერძო მიწერმოწერა ჩარლზ

დარწინისა, რომელიც გამოსცა მისმა შვილმა, თვალწინ გვიხატავს ადამიანის ზატოსანი ჭკუის და ბრწინვალე შეხედულების ზატონს. დარწინს არასოდეს არ შეეძლო განეშორებოდა გონებიდგან აზრი ღმერთზე, როგორც ვირველმიზეზესა „ხეი უკიდურეს რეკვაში სწერს, დარწინი ბ. ფორდაისს, — მე არასოდეს არ ვუთფილვარ ატვისტი იმ აზროთ რომ უარმიყო ღვთის არსებობა“. მეორე წერილში ამერიკელ მწერალ ლიაიელისადმი დარწინი სწერს: „ამ წერილში აღძრული საკითხი ადამიანის გონების აღმატება ისე. როგორც წინად განჩინება და თავისუფლება ნებისა, ანუ როგორც წარმოშობა ბოროტებისა. რა დაშორებულაა ეს სიტყვები მეუღრთ მსწავლელისა მის მიმდევართა თვით-მოსვლ ტენებებისაგან, რომლებიც ფიქრობდენ, რომ გობოტესა, მისგან წამოყენებული, ავლდებულადა მას უთუთ მთელი სულიერობის უარისმყოფელი უფილიყო.

არ შეიძლება, მაღლობა არ განუცხადოთ დარწინის თხზულებების კრებულის გამომცემლებს მისთვის, რომ მათ იმაცადინეს შეეგრავებოთ და მიეცათ საზოგადოებისათვის მცირედა ნაწილი მანინ შესანიშნავ ბუნების მკვლევარის კრძოლ წერილებისა.

(რებუსი.)

რედაქციისაგან.

„ხელის“ წერილის საშასხოა წერილში ბ. სასულიერო რედაქციას თხოვს: დგელი დაუთმოს თავის გამომცემაში ბერობის საკითხს. დიდი სიამოვნებით ვასრულებთ. ბ. სასულიეროს თხოვნას. მაგრამ დარწინებული ვართ, რომ არავინ ამ საკითხის გამოსაკვლევად და ჩვენი ბერობის ჭეშმარიტ გზაზე დასაყენებლად თავს არ აიტკენს, თვით სწავლული ბერებიც კი, რომლებიც არა ნაკლებ სხეებისა ეძებენ მოსკვენებულ და უზრუნველ ცხოვრებას დიდ ქალაქებში. უფიელ შემთხვევაში ჩვენი გამომცემა მზათ არის ხელი შეუწყოს უფიელ საწმუნებრივ-ზნეობრივ საკითხის გამომკვევს; მიზანიც ეს არის მისი და გვიკვირს, რათ დასჭირდა ბ. სასულიეროს კრძოთ თხოვნის შეკრტანა ამაზე?

რედ.

Типография Кутаисскаго редигозно-просвѣдительнаго „братства“ Тифлисскал домъ Киришцева

განცხადება.

„ზინაური სამეფოს რედქციაში“

იყიდება შემდეგი წიგნაკები:

- 1, წიგნი წიგნთა ფასი — — 5 კაპ.
 - 2, სწამთ თუ არა მეცნიერებს ღვთის არსებობა — — — 5 კაპ.
 - 3, ქრისტე ღმერთია? — — 10 კაპ.
 - 4, ქრისტიანობა ბებელის ლაბორატორიაში — — — 10 კაპ.
 - 5, ათეიზმი, მისი წარმოშობა და გავლენა მეცნიერებასა და ცხოვრებაზე — — — 10 კაპ.
 - 6, სიკვდილი მართლისა — — 5. კაპ.
 - 7, პატარა ქრისტიანი — — 2. კაპ.
- ვინც ერთად ოც ცალს ან მეტს დაიბარებს მანეთზე აბაზი დაეთობა.

ვაგზადებ
სამღვდილო ზ სარიაკვნთ
საბნეუში,

ავრეთვე სამასწაკლებლი
ეგხემენის ასაღებად.

ადრესი: ქუთაისი, კახაკოვის ქუჩა, № 17



რედაქტორი, მღვდილი სიმონ მამილიძე.
გამომცემელი იოსებ ლიშაია